

# Jonko Sokome Kapusayó Mu Nakayáñoní Injondutu Unipareko Nuno Uró Mande Kembé

Komo suki uni kato sokome ña **Grik** mandewore nakayáñaró, quko eneño owí kama nekaró. Itaka ino-ino uni qambu qundo ñande ye inoyotenjo, ko Sepeti koro nanuní ñu, **asáñowí uni** Jon, sokome ña nakayáñaró. Sokome kumi ñuya nakayáñaró, asa *1 Jon, 2 Jon* ko Miti Mande sokome qu ka nakayáñaró. Sokome soso ñu, mande koro murí muko kanata na. Uni *3 Jon* nakayáñaró qundo owí kama nekaró, quko eneñomboro ñande yaró, “huru-huru koro tapá uni,” yaró. (*3 Jon 1* weyo qembe.) Nundiro nore ñande ye inoyoteto, ko enendo **Anutu koro huru-huru** ñuno owé parámi raró.

Do naru horé nakayáñaró ñuya kama inoyoteto. Itaka ino-ino uni kumimbo ñande yeyotenjo, Jonko naru kanatako *2 Jon* koya *3 Jon* nakayáñaró. Dokoro sokome irisa-irisa quro muríyari ñunde nanje. Asa itaka ino-ino uni kumimbo ñande ye inoyotenjo, ko Jonko kumima naru 66AD ñuno peka sokome ña nakayáñaró, quko qambu ñande yetenjo, 85AD koya 100AD keweroko ñuno nakayáñaró, peka. (Asa “66AD” murí muko ñandiro, nimímbo Yesu pisiyaró, yate kumima naru 66 ñunde rotaró.

Nore kumima naru 2,000 ηunde rotoro yate itaka yoteto.)

Komo suki **Anutu koro huru-huru** ηuro tapá unindo ηande yanğurí, ko Jonko sokome ηa Efesus yendémo nakayáηoní eneηo topé ka, owí muko Gaius, ηuno uró. Gaius ηuko uni parámi ka Esia mira parámimo ηuno yora.

<sup>1</sup> No huru-huru koro tapá uni ka, nondo sokome ηa nakayáηoro rewe Gaius, neneηo topone hamó, keno uyaró. Nondo newonde hamó kunoyoteno.

<sup>2</sup> Topone hamó, nondo Anutuko hariri teteno, o soso keno tunoqeweya ηu soso meté teweya, ko keηo koweke ηuya meté hamó yoní. No inηoteno, keηo yuqake ηu meté horé yote.

<sup>3</sup> Komo topo kumimbo nono mahero ηande nimiranğurí, keko uni hamó nanje ko naru rokóηoro mande hamó ηu howeyote. Asa ko mande ηu inηoro niηgu-niηgu parámi tanowó.

<sup>4</sup> Nondo mande piηa ηundiyo inηoyoteno quno, asa simónembo mande hamó ηu howeyoteηgo, quno ηuno niηgu-niηgu parámi horé teteno. O meyowomboko niηgu-niηgu ηunde qu kama riní tunoqeyote.

<sup>5</sup> Topone hamó, keto murí meté howero Anutu koro kho uni kumi ke komo kama inηo yunaró ηu samaka yereró.

<sup>6</sup> Uni ηundo Anutu koro unipare ηano qu keto naru rokóηo newonde meté yunoyote ηuro yimiranğurí. Enendo ηuno pitu ko toηewero, ko

keto meté kanjuya Anutu koro mepé samaka yiriqo, o te-qoyemboro njuya se toñewañgo.

<sup>7</sup> Enendo Yesu koro khoyó tewero njuro uyareñgurí. Njunde tero kape unipareto\* o te-qoyemboro kama yunowanjo.

<sup>8</sup> Nore Anutu koro uni njunde qu meté o te-qoyemboro yunowato. Njunde tero nore uni njuya kho kopo tero Anutu koro mande hamó rato kondéreweya.

<sup>9</sup> Komo sokome ka nakayáñoro rewe Anutu koro unipareko njuno uyaró. Quko Dioterepes njundoko uniparetoro uni kembé yowero ye injote, njuko mandene kama injaró.

<sup>10</sup> Njunde njuro no yeno maheroqo, nondo ene murí njú yesowowano, asa enendo mande kate-kate noreya yero mande piyimi yeyote. Njunañge kama teyote. Kini. Enendo topo-toponani njú yorero yayómo kama oyote. Ko uni kato topo-toponani njú yorero yayemo oyiqo, enendo kusi yerero Anutu koro huru-huru† koñjo yohoweyote.

<sup>11</sup> Topone hamó, keto murí piyimi njú ma howewero. Kini, ke murí meté njú howe qembe. Uni ka murí meté njú howeyote, njuko Anutu koro uni. Uni ka murí piyimi howeyote, njuko Anutu kama injo inoyote.

<sup>12</sup> Uni soso Demitrius njuro murí meté njú yesowoyotenjo. Anutu koro mande hamó njundo uni njuro murí njú tunomo yete. Nondo njuya

---

\* **1:7:** “*kape unipare*” njuko Israel koro Anutuye njú kama injo howeyotenjo. † **1:10:** “*Anutu koro huru-huru*” njuko unipareto Yesu injodontuworu huruwoyotenjo qu.

eneño murí ŋu tunomo yeteno, ko ke inote ŋu,  
neneño mandene ŋuko hamó.

<sup>13</sup> Nondo mande parámi yimirowero guro  
inoyoteno. Quko sokome kanoko nakayáŋowero  
ŋuro piyiminoteno.

<sup>14</sup> Naru piru kini no keno mahero kiyoro keya  
koporo nore mande tewaro.

<sup>15</sup> Keño newondeke ime yoní. Keño  
topo-topokepo yunguna kereteŋgo. Neneño  
topo-topone owéye neko yunguna yere qembe.

**Iyo New Testament**  
**The New Testament in the Iyo Language of Papua New Guinea**  
**Nupela Testamen long tokples Iyo long Niugini**

copyright © 2009 Wycliffe Bible Translators, Inc.

Language: Iyo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-15

---

PDF generated using Haiola and XeLaTeX on 11 Mar 2026 from source files dated 12 Dec 2025

eeccd6a2-c477-5b9f-9623-cf07dbead483